



JADUAL KHUTBAH JUMAAT SIRI 3/ 2022
(Bulan Mac 2022)

Bil.	Tajuk	Tarikh	Muka Surat
1.	IKTIBAR DARI PERJALANAN AGONG (SEMPENA ISRAK DAN MIKRAJ)	4.3.2022M/ 1 Sya'ban 1443H	3
2.	WAHAI SUAMI, ISTERIMU TIKET KE SYURGA	11.3.2022M/ 8 Sya'ban 1443H	10
3.	27 KALI GANDA	18.3.2022M/ 15 Sya'ban 1443H	13
4.	BERJIRAN HINGGA KE SYURGA	25.3.2022M/ 22 Sya'ban 1443H	18
KHUTBAH KEDUA			24

Percetakan dibiayai:



زكاة فولاو فينغ

No Telefon: 04-549 8088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



27 KALI GANDA

(18 Mac 2022M/ 15 Syaaban 1443H)

الْحَمْدُ لِلَّهِ الَّذِي فَرَضَ الصَّلَاةَ عَلَى الْعِبَادِ رَحْمَةً بِهِمْ وَإِحْسَانًا،
وَجَعَلَهَا صِلَةً بَيْنَهُ وَيُزِدَانَهُمْ لِيُزِدَادُوا بِذَلِكَ إِيمَانًا،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ خَالِقُنَا وَمَوْلَانَا، وَأَشْهَدُ أَنَّ نَبِيَّنَا مُحَمَّدًا عَبْدُ اللَّهِ
وَرَسُولُهُ جَعَلَ اللَّهُ قُرَّةَ عَيْنِهِ فِي الصَّلَاةِ فَضْلًا وَرِضْوَانًا،
صَلَّى اللَّهُ وَسَلَّم وَبَارَكَ عَلَى سَيِّدِنَا مُحَمَّدٍ الْأَمِينِ، وَعَلَى آلِهِ وَأَصْحَابِهِ أَجْمَعِينَ
وَعَلَى التَّابِعِينَ لَهُمْ بِإِحْسَانٍ إِلَى يَوْمِ الدِّينِ.
أَمَّا بَعْدُ، فَاتَّقُوا اللَّهَ، يَا عِبَادَ اللَّهِ لَعَلَّكُمْ تُرْحَمُونَ.

SIDANG JUMAAT YANG DIRAHMATI ALLAH سُبْحَانَهُ وَتَعَالَى,

Marilah kita meningkatkan ketakwaan diri kehadrat Allah ‘Azzawajalla, dengan mentaati segala perintah dan menjauhi segala larangan-Nya. Mudah-mudahan kita tergolong dalam kalangan hamba Allah yang terbaik dan beroleh kejayaan di dunia dan akhirat.

Sebelum melanjutkan bicara, marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala. Khutbah pada hari ini akan membicarakan tajuk: “**27 Kali Ganda.**”

MUSLIMIN YANG DIRAHMATI ALLAH سُبْحَانَهُ وَتَعَالَى,

Ibadah solat merupakan salah satu teras dalam Islam yang mesti dilaksanakan oleh setiap yang mukallaf. Ia memiliki keistimewaan yang



sangat tinggi dalam Islam. Sebagai tiang agama, ia menjadi batas pemisah antara keislaman dan kekufuran.

Terlalu banyak kelebihan dan faedah yang disebut bagi orang yang mendirikan solat. Antaranya, solat dapat mencegah seseorang daripada melakukan perkara-perkara yang keji dan mungkar. Selain itu, solat dapat mengugurkan dosa seseorang selagi mana tidak melakukan dosa besar. Paling penting, solat yang dilakukan itu menjadi cahaya pada hari kiamat sebagaimana disebut dalam hadis yang diriwayatkan daripada Abdullah bin Amru رَضِيَ اللَّهُ عَنْهُ bahawa Rasulullah صَلَّى اللَّهُ عَلَيْهِ وَسَلَّمَ bersabda:

مَنْ حَافَظَ عَلَيْهَا كَانَتْ لَهُ نُورًا وَبُرْهَانًا وَنَجَاةٌ يَوْمَ الْقِيَامَةِ وَمَنْ لَمْ يُحَافِظْ عَلَيْهَا لَمْ يَكُنْ لَهُ نُورٌ وَلَا بُرْهَانٌ وَلَا نَجَاةٌ وَكَانَ يَوْمَ الْقِيَامَةِ مَعَ قَارُونَ وَفِرْعَوْنَ وَهَامَانَ وَأَبِي بَنِي خَلْفٍ

Maksudnya: “Barangsiapa yang menjaga solat lima waktu, maka solat itu akan menjadi cahaya, bukti dan keselamatan baginya pada hari kiamat. Dan barangsiapa yang tidak menjaganya, maka dia tidak mendapatkan cahaya, bukti, dan juga tidak mendapat keselamatan. Dan pada hari kiamat, orang yang tidak menjaga solatnya itu akan bersama Qarun, Firaun, Haaman dan Ubay bin Khalaf.”

(Hadis Riwayat Imam Ahmad)

SIDANG JEMAAH YANG DIRAHMATI ALLAH SEKALIAN,

Rasulullah صَلَّى اللَّهُ عَلَيْهِ وَسَلَّمَ sangat menggalakkan kaum lelaki untuk mengerjakan solat secara berjemaah di masjid. Nabi tidak pernah tinggal berjemaah di masjid bahkan ketika sakit sekalipun, Baginda tetap berusaha menghadirkan diri untuk berjemaah walau terpaksa dipapah. Inilah yang perlu kita contohi dari teladan agung kita.

Bagaimana pula dengan kita yang sihat ini?

SAUDARAKU SEKALIAN,



Rasulullah ﷺ memberi penekanan yang serius tentang solat berjemaah kerana ia mempunyai manfaat dan ganjaran yang sangat besar. Sebuah hadis yang diriwayatkan dari Ibnu Umar رَضِيَ اللَّهُ عَنْهُ bahawa Rasulullah ﷺ bersabda:

صَلَاةُ الْجَمَاعَةِ أَفْضَلُ مِنْ صَلَاةِ الْفَذِّ بِسَبْعٍ وَعِشْرِينَ دَرَجَةً

Maksudnya: “Solat berjemaah itu lebih utama 27 kali ganda darjat daripada solat secara sendirian”.

(Hadis Riwayat Imam al-Bukhari dan Imam Muslim)

Selain itu, Rasulullah ﷺ juga memberi jaminan kepada orang yang ikhlas mendirikan solat secara berjemaah di masjid bahawa mereka akan terselamat daripada api neraka dan sifat munafik. Sebagaimana hadis yang diriwayatkan daripada Anas رَضِيَ اللَّهُ عَنْهُ bahawa Rasulullah ﷺ bersabda:

مَنْ صَلَّى لِلَّهِ أَرْبَعِينَ يَوْمًا فِي جَمَاعَةٍ يُدْرِكُ التَّكْبِيرَةَ الْأُولَى كُتِبَ لَهُ بَرَاءَتَانِ:

بَرَاءَةٌ مِنَ النَّارِ، وَبَرَاءَةٌ مِنَ النِّفَاقِ

Maksudnya: “Barangsiapa solat berjemaah dengan ikhlas kerana Allah selama 40 hari dengan mendapat takbir pertama (takbiratul ihram), maka dia dibebaskan dari dua perkara: dibebaskan dari neraka dan dibebaskan dari kemunafikan.”

(Hadis Riwayat Imam at-Tirmizi)

SIDANG JEMAAH YANG DIRAHMATI ALLAH SEKALIAN,

Para bapa dan ibu berperanan besar mendidik dan mengasuh anak-anak mereka mendirikan solat sejak dari kecil dengan menunjukkan contoh teladan yang baik kepada anak-anak. Pengajaran dan penerapan

ibadah solat mesti bermula dengan ibu bapa terlebih dahulu kerana anak-anak ini nanti sebenarnya akan menjadikan ibu bapa sebagai contoh utama mereka. Inilah juga perintah daripada Rasulullah ﷺ.

مُرُوا أَوْلَادَكُمْ بِالصَّلَاةِ وَهُمْ أَبْنَاءُ سَبْعِ سِنِينَ، وَاضْرِبُوهُمْ عَلَيْهَا وَهُمْ أَبْنَاءُ عَشْرِ، وَفَرِّقُوا بَيْنَهُمْ فِي الْمَضَاجِعِ

Mafumunya: “Perintahkanlah anak-anak kamu untuk mendirikan solat ketika mereka berumur tujuh tahun dan pukul lah mereka (jika mereka tidak mahu melaksanakannya) ketika mereka berumur sepuluh tahun dan pisahkanlah tempat tidur antara mereka”.

(Hadis Riwayat Abu Daud)

Pada hari ini, masjid-masjid telah dibuka untuk kehadiran jemaah bagi menunaikan solat. Gunakanlah kesempatan selagi hayat dikandung badan, sementara sihat sebelum sakit, untuk berusaha memenuhi masjid dengan mengenakan perhiasan diri yang terbaik.

Renungkan sepotong hadis yang diriwayatkan oleh Abu Hurairah رَضِيَ اللَّهُ عَنْهُ bahawa Nabi ﷺ bersabda maksudnya:

“Sesungguhnya amal seseorang hamba yang pertama kali akan dihisab pada hari kiamat ialah solatnya. Apabila solatnya baik, dia akan mendapatkan kejayaan dan kebaikan. Apabila solatnya rosak, dia akan menyesal dan merugi. Jika ada yang kurang daripada (pelaksanaan) solat wajibnya, Allah سُبْحَانَهُ وَتَعَالَى berfirman: Lihatlah, apakah pada hamba tersebut memiliki amalan solat sunat? Maka solat sunat tersebut akan menampung kekurangan solat wajibnya. Begitu juga amalan lain seperti itu.”

(Hadis Riwayat Imam at-Tirmizi)

Marilah kita sama-sama mentaati perintah Allah **سُبْحَانَهُ وَتَعَالَى** dengan istiqamah mendirikan solat agar kehidupan kita akan sentiasa tenang, aman dan bahagia.

Firman Allah dalam surah al-Baqarah ayat 238:

حَافِظُوا عَلَى الصَّلَوَاتِ وَالصَّلَاةِ الْوُسْطَىٰ وَقُومُوا لِلَّهِ قَانِتِينَ ﴿٢٣٨﴾

Maksudnya: “Peliharalah kamu (kerjakanlah dengan tetap dan sempurna pada waktunya) segala solat fardhu, khususnya solat wusta (solat asar), dan tunaikanlah kerana Allah (dalam solat kamu) dengan taat dan khusyuk.”

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فَوْزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.



Khutbah Kedua Bulan Mac

2022M/ 1443H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَاعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ نَبِيِّ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

SIDANG JEMAAH YANG DIRAHMATI ALLAH,

Khatib juga mengambil kesempatan ini untuk menyeru para jemaah sekalian agar mengambil dos penggalak dengan kadar segera sebagai usaha mengurangkan kesan jangkitan Covid-19 dan menjaga kemaslahatan nyawa. Hal ini kerana data KKM menunjukkan, walaupun 71.3% telah menerima booster di Pulau Pinang, namun prestasi booster dalam kalangan Melayu/ Islam adalah yang paling



rendah iaitu hanya 51.9% berbanding kaum lain. Situasi semasa juga agak membimbangkan apabila kadar kematian di luar fasiliti kesihatan (BID) kembali meningkat dengan jangkitan Covid-19 hanya dikenalpasti selepas kematian. Maka segeralah mendapatkan dos penggalak di fasiliti yang terdekat sebelum atau pada 31 Mac 2022.

Semoga usaha ini menjadi asbab agar Allah سُبْحَانَهُ وَتَعَالَى melindungi kita dari jangkitan wabak selain terus melazimi doa:

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ اذْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالرِّثَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنِ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.



Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَىٰ نِعَمِهِ يَزِدْكُمْ،
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾